



*Assaggi di Bisalta*  
portale linguistico e culturale dei territori della Bisalta

grafia Escolo dòou Po

## ËL CASTELVEI ÈT POURANH

Ël pasage di barbari, qu'a l'an butà soutsouri i pais dël Piemount ën prinsipi dël V secol, e ël bataie qu'a i e ëstèt e i dësdesi qu'a l'an coumbinà a l'an fèt capî a la jant que ël mountanhe a l'erou na difesa que a la parava pi basta e ënloura la manera ët coustruî i pais a l'a tacà a cambiâ.

La counsegouensa ët la mancansa ët sicurësa a l'é qu'a l'an tacà a coustruî i pais ën na manera diferenta mèrandie ëncou pi ën aout si bric, coza qu'a prœva couma la jant avia damanca ët proutegise e difandise dai pericoui qu'a veniou da fora bèle se 's sa vère bin se ësti vilage a l'erou fèt pèr tuta la poupoulasioun o mac pèr i souldèe.

Ël vilage fourtificà fèt a parte da la fin dël IV secol ës la pouna ët Castelvei a l'é n'ezempi ët lo que l'ouma pena dit.

Ël bric ou s'arnaousa ën mes al tèritori qu'ou 's troeva tra ël Pes e losna, ën la frasioun ët Mounfaioni.

Ënsima d'ësta coulina, ënt i anh 1993-1996 la Souvrintendensa Arqueologica dël Piemount a l'a fèt fa d'ëscaou que a i an permëtù ët troevâ ën bourdèl ët bouge pèr ël santure ët tante fourme qu'ësmia qu'a siou ëstète fète pèr lo pi ënt ël VI secol.

Tra quëste una ën particulor a l'é ëstèta arcounhousù couma na tipica joia gotica dël cote dël founne dël VI secol.

A l'é na granda bouja ët na santura travaia ën arjant e arblia coun ët tai fèt a la manera dita *Kerbschnitt* (ëncœ a l'é vardâ ënt ël Mouseou ët l'Antiquità ët Turin).

La bouja a l'é ëstèta troevâ ënt la part sourana ët i ëscaou, ma si que sie a fa prœva que, ënt i anh coura a i era i Goti, li a l'aviou fèt ën gros vilage, bèle se a l'é nhant propi bin sigur que raza ëd jant a i ësteise.